

En deiz-se gand sent Breiz oa gouel er Baradoz ; Dirag dor an Dreinded edont oll o c'hortoz

Beza digemeret gand an Tad Eternel evid kinnig dezañ o mennoziou santel : Rag war a leverer, Doue gwech an amzer,

Da Zent an oll broiou a oar rei digemer. Peb hini dioc'h e reñk a dremen dirazañ Hag a bed 'vid ar bobl a zo fiziet ennañ. Sant Ronan, Sant Alar, Sant Herve, ar Zant Dall, Sant Herbod, Sant Maudet ha meur a hini all. A c'hortoze o zro, renket e-tal an nor. Pell e rankjont gedal abarz ma oe digor : Sant Ronan, euz Lokorn, oe galvet da genta, Sant Maudet euz ar Yeuc'h a oe da ziweza. Evel-henn e komzas : « Va Doue, emezañ, « Va selaouet ho peus atao beteg vremañ.« Ouzoc'h c'hoaz e teuan da ober eur goulenn« Hag esperañs am-eus e klevfot va fedenn,« Eun iliz 'zo er Yeuc'h euz ar c'hoanta gweler,« E koztez ar c'huz-heol euz eskopti Kemper. «Azaleg Ploare beteg Stank an Odet,« N'eus ket eun iliz all 'vel hini Sant Maudet ; « Mez an tour zo digloc'h, rag, siwaz ! ne c'heller « Rei an ano a gloc'h d'eur c'hoz tamm ouroufier, « Heñvel pa vez e brall, ouz hinkin eur vamm-goz « A zo e-korn an toull o nezad diouz an noz. « Ker bihan e neb lec'h ne 'z eus ket eur c'hloc'h all « Eur c'hrouadur tri bloaz e lakafe e brall « An dremenidi 'c'hoarz, penaoz ne rafent ket ! « P'her c'hlevont o c'hervel an dud d'an ofernn-bréd. « Poent eo, me lavar deoc'h, poent eo, Aotrou Doue, « E tour iliz ar Yeuc'h kaoud eur c'hloc'h a-zoare, « Pe dizale gweloc'h ar feiz o vond da goll « Hag an dud er barrez o veva en o roll. » »

- Pa oe gand Sant Maudet echu e brezegenn,

- Doue diwar e dron a respount evel-henn: « Maudet, va zervicher, ho koulenn ho pezo,« Ar Yeuc'h en-do eur c'hloc'h ar brasa 'vo er vro,

« E vouez a dregerno a-dreuz al lanneier, Hag an dud hen anvo roue an oll gleier.

War lavar ar re goz, ne voe gwelet morse kement a dud er Yeuc'h 'vid ne oa an deiz-se. Kenta reas Herve pa zigouezas er gêr, “Voe da Gastell ar Yeuc'h gelver** ar c'hizeller. Bez e oa e Lokorn eur micherour brudet, ar gwella euz ar vro en doa anavezet, da ober eur patrom, da gizellad eur zant ; Grêt en-doa marteze war-dro eun hanter-kant. Gantañ 'reas marc'had da ober ar skeudenn, Hervez ar promessa en doa grêt el lagenn.

Nec'het oe an den paour, rag morse e gizell. N'en-doa grêt beteg-hen eun diaoul gand e gerniel ; O klask gouzoud edo penaoz 'teuje a-benn da ober d'an aotrou eun heveleb skeudenn. <<An diaoul n'eo ket eur zant, eme ar micherour, «N'eo ket ar memestra nag ar memes labour ! Neuze reas eur zell war-zu bro ar stered Ha kerkent e teuas eur zoñj en e spered...Er Yeuc'h, d'ar mareou-ze, veve eur miliner,Bet, o ruilla sac'hadou e-doug e oll Amzer, sac'hadou bleud ha brenn euz an eil kêr d'eben, gwech gand e garr-limon, gwech war gein eun azenn. Eun den mad hag honest kerkoulz ha pep-hini, nemed en-doa eun dremm gouest da sponta brini. Lonk-Avel oa anvet gand Kerbanted Lokorn. Ablamour oa e veg digor evel eur forn. E ziouskouarn a oa hir evel diouskouarn eur c'had, Treut oa evel eur vaz-kloued ha kamm war ar marc'had. Foug oa er c'hizeller ; kavet en-doa e zen : Diouz hennez, emezañ, e vo grêt e skeudenn. N'em-eus morse gwelet diaoul ebed em buhez,« Mez ne dle ket beza spontusodh 'ged hennez». - Pa oe echu gantañ e damm labour kizell, oe douget en eur c'harr ar skeudenn d'ar c'hastell. An aotrou, an itron hag an dimezelled, kement den oa eno a zired d'he gweled. Plijoud 'ra d'an aotrou ha d'an itron ouzpenn, «Setu aze, 'mezo, eun tamm labour kempenn ». Goude-ze, en iliz, oe gwintet war eun tron, mez dindan sant Mikêl war goulenn ar Person. Abaoe er gweler eno, e renk ar Zent, d'an dud “zeu d'an iliz, o tiskrognañ e zent. Setu, amañ bremañ penaoz 'ma diaoul ar Yeuc'h:

E zoulagad zo braz 'vel daoulagad eur vuoc'h

E c'hinou zo faoutet beteg e ziouskouarn

Liou e gorv penn-da-benn a denn war an houarn

E gerniel zo heñvel euz kerniel eun taro

E zellou luc'heduz a zo rust ha garo

E ziouskouam 'zo hir evel re eun azen Hag er memes amzer plad evel diou grogenn !

Ma n'em c'hredit ket, it d'ar Yeurc'h da weled.

BLEIZ-NEVET Abad HORELLOU *Med **Gelver 1 gervel